

Өзендер, көлдер, су қоймалары, каналдар және басқа су объектілері жағалауларындағы ормандардың тыйым салынған белдеулерінің енін белгілеу қағидаларын бекіту туралы

Қазақстан Республикасы Ауыл шаруашылығы министрінің 2015 жылғы 27 қаңтардағы № 18-02/43 бұйрығы. Қазақстан Республикасының Әділет министрлігінде 2015 жылы 3 наурызда № 10360 тіркелді.

Қазақстан Республикасы Үкіметінің "Қазақстан Республикасы Экология және табиғи ресурстар министрлігінің мәселелері" 2019 жылғы 5 шілдедегі № 479 қаулысымен бекітілген Қазақстан Республикасы Экология және табиғи ресурстар министрлігі туралы ереженің 15-тармағы 212) тармақшасына сәйкес **БҰЙЫРАМЫН:**

Ескерту. Кіріспе жаңа редакцияда - ҚР Экология және табиғи ресурстар министрінің 01.10.2025 № 262 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

1. Қоса беріліп отырған Өзендер, көлдер, су қоймалары, каналдар және басқа су объектілері жағалауларындағы ормандардың тыйым салынған белдеулерінің енін белгілеу қағидалары бекітілсін.

2. Қазақстан Республикасы Ауыл шаруашылығы министрлігінің Орман шаруашылығы және жануарлар дүниесі комитеті заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрық мемлекеттік тіркелуден кейін күнтізбелік он күн ішінде оның мерзімді баспа басылымдарында және "Әділет" ақпараттық-құқықтық жүйесінде ресми жариялануға жіберілуін;

3) осы бұйрықтың Қазақстан Республикасы Ауыл шаруашылығы министрлігінің интернет-ресурсында орналастырылуын қамтамасыз етсін.

3. Осы бұйрық ол алғаш ресми жарияланған күнінен кейін күнтізбелік он күн өткен соң қолданысқа енгізіледі.

Министр

А. Мамытбеков

Қазақстан Республикасы
Ауыл шаруашылығы министрінің
2015 жылғы 27 қаңтардағы
№ 18-02/43 бұйрығымен
бекітілген

Өзендер, көлдер, су қоймалары, каналдар және басқа су объектілері жағалауларындағы ормандардың тыйым салынған белдеулерінің енін белгілеу қағидалары

1. Осы Өзендер, көлдер, су қоймалары, каналдар және басқа су объектілері жағалауларындағы ормандардың тыйым салынған белдеулерінің енін белгілеу

қағидалары (бұдан әрі – Қағидалар) Қазақстан Республикасы Үкіметінің "Қазақстан Республикасы Экология және табиғи ресурстар министрлігінің мәселелері" 2019 жылғы 5 шілдедегі № 479 қаулысымен бекітілген Қазақстан Республикасы Экология және табиғи ресурстар министрлігі туралы ереженің 15-тармағы 212) тармақшасына сәйкес әзірленді және өзендер, көлдер, су қоймалары, каналдар және басқа су объектілері жағалауларындағы ормандардың тыйым салынған белдеулерінің енін белгілеу тәртібін айқындайды.

Ескерту. 1-тармақ жаңа редакцияда - ҚР Экология және табиғи ресурстар министрінің 01.10.2025 № 262 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

2. Өзендер, көлдер, су қоймалары, каналдар және басқа су объектілері жағалауларындағы ормандардың тыйым салынған белдеулеріне (бұдан әрі – тыйым салынған белдеулері) осы Қағидаларға қосымшаға сәйкес Ормандардың тыйым салынған белдеулерінің енін белгілеуге арналған тізбеде (бұдан әрі – Тізбе) көрсетілген су айдындарына іргелес мемлекеттік орман қорының аумағы жатады.

3. Тізбеде көрсетілген су айдындарына іргелес мемлекеттік орман қоры аумағында су ресурстарын сақтауға және жинауға, су объектілерінің ластануына, былғануына және батпақтануына жол бермеуге, сондай-ақ жануарлар дүниесі объектілерінің мекендеу ортасын сақтауға бағытталған жағдайлар жасауға жәрдемдесетін шектеулі шаруашылық қызмет режимі белгіленеді.

4. Тыйым салынған белдеулердің ені орман орналастыру кезінде су объектілерінің балық шаруашылығы маңызы мен экологиялық жай-күйі ескеріле отырып, физика-географиялық, топырақ, гидрологиялық және басқа да шарттар басшылыққа алынып, орман шаруашылығы саласындағы уәкілетті органның ведомствосы бекітетін орман орналастыру жобаларымен белгіленеді.

5. Жайылмасыз өзендерде немесе кәдімгідей жайылмасы жоқ өзендер учаскелерінде тыйым салу белдеулерінің ені орташа көпжылдық межелі су деңгейінің мөлшері бойынша, ал су арнасы сағаларға тармақтанып кетсе, сыртқы сағаның жағалауы бойынша осы нормативпен анықталады. Өзен ені 1 километрден астам жоғары көтерілген өзен аралығын қамтитын сағаларға бөлініп кеткен жағдайда әрбір сағаның жағалаулары бойынша тыйым салынған белдеулердің ені өзеннің қалған бөлігіндегі сияқты белгіленеді.

Анық білініп тұрған жайылмасы бар өзен бойында тыйым салынған белдеулердің ені жайылманың енінен және ені осы Қағидалардың 7 және 8-тармақтарына сәйкес айқындалатын оған жанасқан белдеуден тұрады.

Жағалауларында тыйым салынған белдеулері окшау көрінетін өзендердің басталар тұсында бұл белдеулердің құрамына осы өзен жағалаулары бойынша белгіленген тыйым салынған белдеудің еніне тең радиуста өзеннің басталар тұсындағы аумақ енгізіледі.

Тыйым салынған белдеудің сыртқы шекарасы оны белгілегенде мүмкіндігінше табиғи шептермен немесе орамдық орман жолдарымен, орман телімдерінің шекарасымен ұштастырылады, бұл ретте шекара өзеннің су жинайтын алаңының шегінен шығып кетпеуі тиіс, яғни бұл жағдайда ол су бөлетін шекара бойымен өтеді.

6. Көлдер мен арналы су қоймаларының, каналдардың төңірегінде тыйым салынған белдеулердің ені оларға келіп құйылатын немесе олардан ағып шығатын өзендердің бойында бөлінген белдеулерге тең белгіленеді.

Көлдерге, су қоймаларына немесе каналдарға бірнеше өзен келіп құйылатын немесе ағып шығатын жағдайларда су қоймасы, канал бойындағы тыйым салынған белдеудің ені ең кең арналы өзен бойынша қабылданады. Су қоймасы, канал бойындағы тыйым салынған белдеудің ішкі шекарасы судың бірқалыпты толық деңгейінің мөлшерімен, ал көлдер бойында – орташа көпжылдық су деңгейінің мөлшерімен өтеді.

7. Шағын өзендер (ұзындығы 200 километрге дейін) және шаруашылық мақсатта пайдалану жағдайлары қарапайым және су жинағыштағы экологиялық жағдай қолайлы өзендер үшін әр жағалау бойынша тыйым салынған белдеулердің ең тар ені – 500 метр мөлшерде белгіленеді.

8. Балық шаруашылығы маңызы бар өзендер, су айдындары мен каналдар үшін су жинағыштағы экологиялық жағдай жайсыз болған кезде тыйым салынған белдеулердің ені әр жағалаудан 1000 метр мөлшерде белгіленеді.

9. Су қоймалары, каналдар мен көлдер бойындағы тыйым салынған белдеулердің ені мынадай мөлшерде белгіленеді:

- 1) су айдынының акваториясы 2 шаршы километрге дейін болса – 300 метр;
- 2) су айдынының акваториясы 2 шаршы километрден асып кетсе – 500 метр.

Осы көлдер үшін тыйым салынған белдеудің ішкі шекарасы орташа көпжылдық су деңгейінің жырығы бойымен өтеді.

Өзендер, көлдер, су қоймалары,
каналдар және басқа су объектілері
жағалауларындағы ормандардың
тыйым
салынған белдеулерінің енін
белгілеу қағидаларына қосымша

Ормандардың тыйым салынған белдеулерінің енін белгілеуге арналған су айдындарының тізбесі

Су айдындарының (өзендер, көлдер, су қоймалары мен каналдар) атауы	Өзендер келіп құйылатын су айдындарының атауы
Өзендер	
Жайық	Каспий теңізі
Қиғаш	
Көшім	
Шаған	

Утва	Жайық
Елек	
Өр	
Ертіс	Обь
Уба	Ертіс
Үлбі	
Тобыл	
Есіл	
Қара Ертіс	Бұқтырма су қоймасы
Бұқтырма	
Күршім	
Қалжыр	Қара Ертіс
Алқабек	
Белөзек	
Аққоба	Қаба
Тополевка	Марқакөл көлі
Аягөз	Балқаш көлі
Ақсу	
Қаратал	
Лепсі	
Іле	Арал теңізі
Сырдария	
Көлдер, су қоймалары және каналдар	
Марқакөл көлі	
Балқаш көлі	
Қошқаркөл көлі	
Жалаңашкөл көлі	
Сасықкөл көлі	
Бұқтырма су қоймасы	
Өскемен су қоймасы	
Новошұльба су қоймасы	
Сергеевка су қоймасы	
Вячеслав су қоймасы	
Қапшағай су қоймасы	
Сәтбаев атындағы канал	
Үлкен Алматы каналы	